

ԳԼՈՒԽ Թ.

ՂԱՐԱՔԱՂԻ ՀԱՐՑԸ*)

Շարուր—Նախիջևանի ղէպերին զուգընթաց Ազրբէջանը գործօն քայլերի ղիմեց և դարաբաղցիներին ընկճելու համար:

Ղարաբաղը բռնում է Հայաստանի հիւսիս-արևելեան մասը և իր աշխարհազարական ու բնական պայմաններով, իր ազգազարական կազմով հանդիսանում է Հայկական Բարձրաւանդակի անմիջական շարունակութիւնը: Յարական իշխանութեան օրով նա միացած էր թրքական հարթավայրերի հետ և մտնում էր Գանձակի նահանգի մէջ, որի գաւառները ձեւած էին այնպէս, որ ամէն տեղ հայերը կազմում էին փոքրամասնութիւն: Մինչդեռ Լեոնային Ղարաբաղը, այսինքն՝ Շուշիի, Ջիւանշիբի և Ջիբրայիլի լեոնային մասերը — Խաչէն, Վարանդա, Դիղակ, Ջրաբերդ — կազմում են մի ամբողջութիւն՝ հայ հոծ ազգաբնակչութեամբ:

Ղարաբաղի ազգային կազմի մասին Դ. Անանունը հետևեալ տեղեկութիւններն էր տալիս «Հայաստանի Կօօպերացիա»-յի 1920թ. սեպտեմբերի համարում.

«Ղարաբաղի լեոնաստանում 1917թ. տեւալներով ապրում էին՝ հայեր՝ 150,000 (70%), մուսուլմաններ՝ 58,000 (27%), մնացած ազգեր՝ 5000 (3%): Այժմ ազգութիւնների թւական յարաբերութիւնը միանգամայն փոխւած է: Ուրիշ ազգերից ուսաները հեռացել են Ռուսաստան: Ապա Լեոնային Ղարաբաղի որոշ գիւղերից հեռացել են նաև թուրքերը: Դրա ղիմաց լեոններն են ապաստանել տափաստանում եղած հայ գիւղերի բնակիչները (Ջիվանշիբ գաւ.) : Այսպիսով, Հայկական Ղարաբաղում (Ջրաբերդ, Խաչէն, Վարանդա, Դիղակ) հայ տարրը աւելի է ամրացել թուով: Իսկ եթէ սրան աւելացնենք նաև, որ հին Ղարաբաղի անբաժան մասը կազմող Գիւլիստանը վերջին տարիների անց ու դարձի մէջ վերականգնեց իր կապը նախկին միաւորի հետ և ընթացաւ հայկական քաղաքականութեան հունով, պատկերն աւելի կատարեալ կը լինի»:

Ռուսական յեղափոխութիւնը Ղարաբաղում ևս ընդունեց խանդավառութեամբ: Յեղափոխութեան առաջին օրերից Շուշիում կազմւեց հայթրքական միջկուսակցական մի բիւրօ, որի կողմից նշանակեց չրջանային գործադիր կոմիտէ, որը պէտք է վարէր Ղարաբաղ—Չանգեզուր միացեալ

*) Այս գլխի համար, բացի սուլած նիւթերից, օգտել եմ նաև Ղարաբաղ—Չանգեզուրի գործիչների, 1922թ. յուլիսին, Թաւրիզում, կազմած զեկուցումից և Հ. Հ. Պատւիրակութեան ու Հ. Հ. Թիֆլիսի դիւ. ներկայացուցչութեան «Գործ»-երից: